



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Separatio à corpore Christi, maximè timenda est. tit. 202

urn:nbn:de:hbz:466:1-29452

fratrem suum, homicida est, scilicet, sui ipsius. Omnia illa quæ laudantur in Ecclesia, vt inquit Augustinus tracta. 13. in Ioannem, Fides, sacramenta, scientia, &c. nihil profunt in schismaticis, quia conscindunt vnitatem, & charitatis tunicam lacerant, quam tamē crucifixores scindere noluerunt, Ioan. 19. Non ergo concordant cum Christo, &cæt.

SEPARATIO A CORPORE

Christi, maximè timenda est.

TITVLVS CCII.



VGVSTINVS tractatu 27. super Ioannem: Nihil enim formidare sic debet Christianus, quàm separari à corpore Christi. Qui enim separatur à corpore Christi, non est membrum eius: Si non est membrum eius, non viuificatur à spiritu sancto. Vt enim corpus viuit de anima, sic anima viuificatur à spiritu sancto. Vis igitur esse & habere spiritum sanctum esto primò membrum corporis Christi. Manete, inquit Christus, in me, & ego in vobis, & iterum: Qui manet in me, & ego in eo, hic fert fructum multum, id est, ille habebit vitam æternam. Multi accesserunt ad Christum, sed non manserunt in eo. Recedunt Capernaïta, Ioan. 6. à Christo, recedunt à fidei vnitate Philletus & Hermogenes, & omnes qui sunt in Asia. Timoth. 1. Recessuros à fide quosdam in nouissimis diebus prædicit Paulus. 1. Timot. 4. id quoddam certum impletum. Vbi Hierosolyma, Corinthus, Ephesus, Galatæ, tota Græcia, &cæt? Separarunt enim se à corpore Christi, id est, vnitate Catholica. Et licet se præsumant habere fidem Turcicam, & dicant quod illa sit vera, non credimus illis. Nam sola vna fides est, Ephes. 4. Qui ergo separatur à corpore Christi, non habet spiritum sanctum, Iudæ 1. Et qui non habet spiritum Christi, hic non est eius. Roma. 8. Qui non est eius,

us, non saluatur. Ioan. 15. Si quis in me non manserit, mittetur foras & arescet, &cæt. Ergò maximè commendanda est separatio à corpore Christi. Tolerabilius est non fuisse Christianum, quàm in fide esse sectariũ, sicut Christus dicit Ioann. 9. Si cæci essetis, non haberetis peccatum damnabile: nunc autem dicitis vos uidentes, & tamen non estis. Idè non habebitis excusationem &cæt. Sic est cum sectarijs, qui uolunt esse iusti, immò sanctiores Catholicis, & tamen deficiunt ab unitate fidei.

Secundò inquis: Quid separat à corpore Christi?

Respon. Hæresis, qua quis sibi eligit specialem opinionem, & pertinaciter defendit, & frangit unitatem & charitatem Catholicã. Sic primò vnusquisq; semet separat à corpore Christi. A tali igitur cauere iubet scriptura. 2. Thes. 3. Quòd si quis non obedièrit uerbo nostro, per Epistolam hunc notate, & nò commisceamini cum illo, ut confundatur. Et nolite quasi inimicum existimare, sed corripite ut fratrem, &cæt. & 2. Ioann. 1. Nolite recipere eum in domum, nec aue dixeritis ei. Qui enim dicit ei Aue, communicat operibus eius malignis. Tit. 3. Hæreticum hominem post uiam, &cæt. deuota, quia subuersus est apud seipsum, & delinquit, id est, peccat in Christum caput, & eius corpus, id est, Ecclesiam, Tertio, Et proprio iudicio, id est, proprio opere & peccato damnatus. Nemo cum condemnat & separat, sed seipsum condemnat. Sic separant se etiam impœnitētes peccatores, de quibus 1. Cor. 5. Apostolus loquitur.

Tertio dices: Nullus hæreticus uult esse separatus ab Ecclesia, nec se talem reputat. Respondeo: potestas nobis denunciatur illum sese separasse per falsam doctrinam, ac punit & tenet pro tali. Potestas, inquam, post uiam aut alteram admonitionem. Si enim pergit, dicit Ecclesiæ. Sic Papa per excommunicationē, & Imperator per Bannum separant. Et idè nos certificamur

tificamur per potestatem, eos tales fore, non obstat, te, quòd ipsi tales esse nolunt. Nulla adultera vult se meretrix & lapidari, cum tamen propria conscientia scit se esse talem, & cæc.

Ad hoc igitur intendere oportet, qualem quemque Ecclesia catholica esse iudicet, nò ad hoc, quale semetipsum quisque esse opinatur aut iactat. Nam sic nullus ab initio Ecclesiæ voluit esse Hæreticus, Christus. 18. inquit, Qui ecclesiam non audierit, & c. Non inquit, Audies quemquam sese prædicantem, & c. Timèda est igitur hæc separatio à corpore Christi, id est, Ecclesiæ Catholicæ unitate. Nam talis etiam carebit promissis Ecclesiæ, vt Cyprianus dicit, & cæc. Ecclesia habet potestatem probandi spiritus, 1. Ioan. 4. denunciandi errores & hæresim, Matthæi, 18. Dic ecclesiæ, sed nò curat secte. Esto, prædictum est per Iudam, quod blasphematores maiestatis venient & c. Et in obediens, 2. Timoth. 3.

QVIS HABEAT SPIRITVM

Christi, id est, spiritum sanctum.

TITVLVS CCIII.

APOSTOLVS Roma. 8 inquit: Qui spiritum Christi non habet, hic non est eius, id est, non pertinet ad Christum. Nam qui secundum carnem ambulant, viuunt & perficiunt opera eius, Deo placere non possunt: Sunt enim tales solum animales homines, nihil de virtutibus spiritus sancti percipientes, 1. Corinthio. 2. Animalis homo non percipit ea, que sunt spiritus: id est, solum agit, viuunt secundum motus carnis, & illius opera facit, Galat. 5. Non autem facit secundum motus & fructus spiritus, id est, non habet charitatē, fidem, timorē, castitatem, & c. Ideo talis non est Christi, neque regnum DEI possidebit. Secundò